

Sarajevo, 19.07.2017. godine

Na osnovu Odluke direktora Preduzeća o pokretanju postupka prodaje službenog motornog vozila u vlasništvu KJKP „RAD“ d.o.o. Sarajevo broj: 05-02-09-14228/17 od 19.07.2017. godine, Komisija za provođenje licitacije, formirana Odlukom o imenovanju Komisije za provođenje javnog poziva broj: 05-02-09-14229/17 od 19.07.2017. godine, objavljuje

**JAVNI POZIV
za prodaju službenog motornog vozila sistemom zatvorenih ponuda**

I PREDMET PRODAJE

Predmet prodaje je službeno motorno vozilo marke i tipa: PASSAT; broj šasije: WWZZZ3BZ5E103677; oblik karoserije: AA-LIMUZINA; godina proizvodnje: 2004; boja: siva; broj mjesta: 5; radni obim motora: 1896 cm³; vrsta goriva: diesel; broj motora AVF712037; snaga motora: 96 kw; pređena kilometraža: 378 305 km; registrovano do: 05.01.2018. godine; registarskih oznaka: O20-E-055; u voznom stanju. Utvrđena početna cijena vozila: 4.221,78 KM (slovima: četirihiljadedvjestotinedvadesetjedan i 78/100 KM).

II PREGLED VOZILA

Svi zainteresovani ponuđači mogu pogledati vozilo od ponedjeljka 24.07.2017. godine do četvrtka 27.07.2017. godine, u periodu od 12,00 do 14,00 sati, na parking u krugu zgrade KJKP „RAD“ d.o.o. Sarajevo, u ulici Paromlinska br. 57, Sarajevo, uz predhodnu najavu na telefon 061/220-120 kontakt osoba Kurtović Emir ili 061/501-310 kontakt osoba Fišo Muharem.

III NAČIN PRODAJE

Prodaja se vrši postupkom licitacije po sistemu zatvorenih ponuda. Pravo učešća u postupku licitacije imaju sva zainteresovana pravna i fizička lica koja u skladu sa ovim pozivom dostave svoju ponudu na adresu Paromlinska br. 57, KJKP „RAD“ d.o.o. Sarajevo, do niže navedenog datuma i sata. Depozit za učešće u postupku licitacije se ne plaća.

IV KRITERIJ PONUDE

Jedan ponuđač može dostaviti samo jednu ponudu, u suprotnom će ponude biti odbačene. Najpovoljnijom ponudom smatrat će se dostavljena ponuda sa najvećom ponuđenom cijenom iznad početne cijene vozila. U slučaju da dva ili više ponuđača u zatvorenim kovertama dostave ponudu sa istim iznosom, koji je ujedno i najviši ponuđeni iznos, Komisija će proglasiti najboljom ponudu ponuđača koji je ranije dostavio ponudu, po datumu i vremenu prijemnog štambilja sa protokola KJKP „RAD“ d.o.o. Sarajevo. Ukoliko u datom roku ponudu dostavi samo jedan ponuđač, licitacija će biti punovažna ukoliko je ponuđena cijena iznad utvrđene početne cijene motornog vozila.

Prodaja će se obaviti po načelu „viđeno – kupljeno“ što isključuje sve naknadne reklamacije i prigovore kupca upućene prodavcu po pitanju eventualnih nedostataka.

V SADRŽAJ PONUDE

Dostavljena ponuda treba da sadrži

1. Dokumenti i podaci o ponuđaču:

- a) za fizičko lice (ime i prezime, adresa i kontakt telefon)
- b) za pravno lice (fotokopija rješenja o upisu u sudski registar, ime i prezime ovlaštenog lica za zastupanje, adresa i kontakt telefon)

2. Iznos ponude izraženo u KM

Za fizičko lice provjera dostavljenih podataka vršit će se na dan otvaranja ponuda uvidom u ličnu kartu ponuđača.

VI DOSTAVLJANJE PONUDA

Ponude se dostavljaju u zatvorenoj koverti sa naznakom „**PONUDA – NE OTVARAJ – Javni poziv za prodaju vozila**“ poštom ili neposredno na protokol KJKP „RAD“ d.o.o. Sarajevo, na adresi Paromlinska br. 57, 71000 Sarajevo.

Krajnji rok za dostavljanje ponuda jeste 28.07.2017. godine do 12,00 sati uključujući i ponude upućene putem pošte, a pristigle do navedenog roka.

Sve ponude pristigle nakon navedenog roka, kao i ponude sa iznosom manjim od utvrđene početne cijene, Komisija neće uzeti u razmatranje.

VII OTVARANJE PONUDA

Javno otvaranje ponuda Komisija za provođenje licitacije će izvršiti dana 28.07.2017. godine sa početkom u 12:15 sati u prostorijama KJKP „RAD“ d.o.o. Sarajevo, ulica Paromlinska br. 57, Sarajevo.

I. Javnom otvaranju ponuda može prisustvovati osoba pravnog ili fizičkog lica, uz prezentaciju punomoći odnosno lične karte. Nakon otvaranja svih ponuda pristiglih u datom roku, licitacija se zaključuje utvrđivanjem liste ponuđača koji su ponudili cijenu iznad utvrđene početne cijene motornog vozila, počevši od ponuđača s najpovoljnijom ponudom i konstatuje se da je motorno vozilo prodato najpovoljnijem ponuđaču. Važenje utvrđene liste ponuđača je 15 dana od datuma javnog otvaranja.

VIII OBAVEZE KUPCA

Sa ponuđačem čija je ponuda od strane Komisije ocijenjena kao najpovoljnija, Ugovorni organ će u roku od 5 dana od dana održavanja licitacije zaključiti kupoprodajni ugovor, a najpovoljniji ponuđač je u roku od 7 dana od datuma potpisivanja ugovora dužan uplatiti puni iznos svoje ponude za predmetno vozilo i to na račun: KJKP „RAD“ d.o.o. Sarajevo broj: 3389002208077649, svrha uplate: uplata po ugovoru.

Ukoliko ponuđač sa najpovoljnijom ponudom ne uplati ponuđeni iznos ili ne pristupi zaključenju ugovora o kupoprodaji u ostavljenom roku, smatrat će se da je odustao od kupovine i KJKP „RAD“ d.o.o. Sarajevo zadržava pravo da ponudi zaključenje kupoprodajnog ugovora slijedećem najpovoljnijem ponuđaču sa utvrđene liste.

Sve poreze i troškove oko prenosa prava vlasništva nad kupljenim vozilom snosi ponuđač – kupac.

Kupac nakon uplate kupoprodajne cijene uz dokaz može odmah preuzeti motorno vozilo sa pratećom dokumentacije na adresi Preduzeća.

IX DODATNE INFORMACIJE

Javni poziv za prodaju vozila putem postupka javnog nadmetanja objavljuje se u dnevnom listu Oslobođenje kao i na zvaničnoj web stranici Preduzeća www.rad.com.ba. Sve dodatne informacije zainteresovani ponuđači mogu dobiti na telefon 061/220-120 kontakt osoba Kurtović Emir ili 061/501-310 kontakt osoba Fišo Muharem.

KJKP „RAD“ d.o.o. Sarajevo